

Wolof - Xol Mbind - Soul Scriptures

Macë 11:28-30 «Ñëwleen ci man, yéen ñépp ñi sonn te diis, dinaa leen may noflaay. 29 Jébbaluleen ci man te jàng ci man, ndaxte lewet naa te woyof, te dingeen am noflaay ci seen xol. 30 Ndaxte sama kilifteef lewet na te sama yen diisul.»

Njàlbéen ga 2:7 Noonu Yàlla Aji Sax ji móol nit ci pëndu suuf, sol ngelawal dund ci paxi bakknam, nit daldi doon boroom bakkan.

Njàlbéen ga 34:2,3,8 Ci kaw loolu Sisem doomu Amor, miy Eween te di kilifa ca dëkk ba, daldi koy gis, jàpp ko, tëdde ko, torxal ko. 3 Teewul Sisem xemmemoon na Diina doomu Yanqóoba lool te bëgg ko, ba tax mu di ko naxtaan. 8 Amor wax ak ñoom ne leen: «Sama doom Sisem dafa bëgg seen jigéen ci xolam. Dama leen di ñaan, ngeen may ko ko jabar.

1 Samwil - 1 Samiyel 18:1 Ba Daawuda di wax ak Sóol ba noppi, fekk na Yonatan yég ci xolam na mu taqook Daawuda ci biir cofeelu benn bakkan. Yonatan dafa soppoona Daawuda ni boppam.

1 Kilifa - 1 Buur ya 1:29 Buur daldi giñ ne: «Giñ naa ci Aji Sax ji, kiy dund te musal sama bakkan bii ci gépp njàqare,

2 Kilifa - 2 Buur ya 4:27 Mu agsi nag ca góoru Yàlla ga, ca kaw tund wa, ne félëñ ca suuf, jàpp ca tànk ya. Gewasi dikk, bëgg koo bëmëx, mu ne ko: «Bàyyi ko, xolam a naqari. Aji Sax ji nag nébb na ma ko, xamalu ma lan la.»

Sabóor 6:3,4(4,5) Sama xol a jeex tàkk. Aji Sax ji, loo deeti xaar nag? 4(5) Éy Aji Sax ji, délsil, xettli ma! Walloo ma sa ngor.

Sabóor 7:1,2(1-3) Muy woyu njàmbat, ñeel Daawuda. Mu woyaloon ko Aji Sax ji ci mbirum kàddu yu tukkee woon ca °Kuus, ma bokkoon ci giirug Beñamin. (2) Éy Aji Sax ji, sama Yàlla, yaw laay làqoo! Musal ma, xettli maak ñi may dàq ñépp. 2(3) Lu ko moy ñu fàdd ma ni gaynde, daggate ma te kenn du wallu.

Sabóor 17:13 Éy Aji Sax ji, jógá dajeek moom, detteel ko. Xettle ma sa saamar, ma rëcc ku bon.

Sabóor 23:3 Ieqli ma, teg ma ci yooni njekk ngir teddngay turam.

Sabóor 25:20 Éy, aar ma, musal ma! Bu ma rusloo, yaw laa làqoo.

Sabóor 33:19 Day jot bakknam, di ko dundal cib xiif.

Sabóor 34:22(23) Aji Sax jeey jot ab jaamam, képp ku ko làqoo, yoon du la dab.

Sabóor 35:12,13 Ma ji leen njekk, ñu fey ma njekkar, ndaw tiisu xol! 13 Man de ba ñu woppee, maa ngi ñaawlu, di woor, toroxloo, sukk, ñaanal leen,

Sabóor 41:4(5) Dama ne: «Aji Sax ji, tooñ naa la; baaxe ma, faj ma.»

Sabóor 42:5(6),11(12) Moo man, lu may yoggaaral nii? Lu may jàq? Naa yaakaar Yàlla, ba dellu sante sama Yàlla wallam. 11(12) Moo man, lu may yoggaaral nii? Lu may jàq? Naa yaakaar Yàlla, ba dellu sante sama Yàlla wallam. (Sabóor 42:6(7),11(12); 43:5)

Sabóor 56:13(14) Yaa ma rawale, ba deewuma, te duma tërëf. Damay daagu fi

kanam Yàlla, ci biir leeru àddina.

Sabóor 69:10(11) May jooy, di woor, ñu di ma sewal.

Sabóor 69:18(19) Jege ma, jot ma, musal ma ci noon yi!

Sabóor 86:13 Ngor lu réy nga ma won, sorele maak tèraayu bàmmeel.

Sabóor 97:10 Yéen soppey Aji Sax ji, bañleen lu bon. Aji Sax jeey sàmm i wóllëreem, di leen musal ci ku bon.

Sabóor 107:9 Mooy màndal put gu wow, di feesal ngëneel biir bu wéet.

Sabóor 116:4 Ma woo Aji Sax ji wall, ne ko: «Ngalla Aji Sax ji, xettli ma!»

Sabóor 116:8 Xettli nga ma, ba deewuma, jàpple ma ba tèrefuma, feral nga it samay rongooñ.

Sabóor 119:28 Naqaru xol sonal na ma, may ma ndëgërlaay, yaa ko dige.

Sabóor 120:2 Éy Aji Sax ji, musal ma ci gémmiñu fen-kat, ak làmmiñu njublañ.

Sabóor 121:7 Aji Sax jee lay sàmm ci gépp loraange, di sàmm sa bakkan.

Sabóor 124:7 Danu ne fërr, nim picc mu rëcc fiiru rëbb, fiir ga toj, nu raw.

Sabóor 138:3 Bés ba ma wootee, yaa ma wuyu, ñemeel ma, dooleel ma.

Kàddu yu Xelu - Misaal 6:32 Njaaloo di ñàkk bopp, kuy sànk bakkanam a koy def.

Kàddu yu Xelu - Misaal 22:25 Lu ko moy nga mel ni moom, te kon nga lonku.

Yeremi 20:13 Woyleen Aji Sax ji, màggal-leen Aji Sax ji! Mooy xettli néew ji doole ci dooley ku bon.

Yeremi 31:25 Maay nàndal ku mar, leqli ku loof.»

Esekeel - Esekiyel 13:20,21 Moo tax Boroom bi Aji Sax ji dafa wax ne: Maa ngii di dal ci seen kaw jaray xérëm, yi ngeen di nappe ay bakkan niy picc. Seeni jara laay foqatee ci seeni loxo, ba yiwi bakkan, yi ngeen di napp niy picc. 21 Maay foqati seeni muuraay, génne sama ñoñ ci seeni loxo, ñu noppee doon seen um pàdd, ba ngeen xam ne maay Aji Sax ji.

Macë 10:28 Te buleen ragal ñu mana rey yaram, te manuñoo rey ruu, waaye ragal-leen ki mana sànk yaram ak ruu ci sawara.

Macë 16:26 Te it moom àddina sépp lu muy jariñ nit, bu ñàkkee bakkanam? Te nit, lu mu wara weccee bakkanam?

Macë 22:37 Yeesu ne ko: «“Nanga bëgg Yàlla sa Boroom ak sa xol bépp ak sa bakkan bépp ak sa xel mépp.”

Macë 26:38 Mu ne léen: «Sama xol dafa tiis, ba may bëgga dee; toogleen fi, xool ak man.»

Màrk 12:30 Kon nanga bëgg Yàlla sa Boroom ak sa xol bépp ak sa bakkan bépp, sa xel mépp ak sa kàttan gépp.”

Màrk 12:33 Te nga bëgg ko ak sa xol bépp ak sa xel mépp ak sa kàttan gépp moo dàq bépp sarax bu ñuy yóbbu ngir màggal Yàlla ak bu ñuy lakk ca °sarxalukaay ba.» (Baamtug Yoon wi 4:29)

Màrk 14:34 Mu ne léen: «Sama xol dafa tiis, ba ma bëgga dee; toogleen fii, xool.»

Luug 12:20 Waaye Yàlla ne ko: “Ñàkk xel! Guddig tey, dees na jël sa bakkan. Kon li nga dajale lépp, ku koy moom?”

Luug 21:19 Seen muñ moo leen di musal.

Yowaana 12:27 «Léegi nag damaa jàq. Lu may wara wax? Mbaa du dama naan:

“Baay, musal ma ci li nara xew waxtu wiý ñëw?” Dédéet, ñëw naa sax ngir jaár ci waxtu woowu.

Jëfi Ndaw ya Kirist Yónni 14:22 di dooleel xeli taalibe ya, xiir léen ñu sax ci yoon wi; ñu ne léen: «Ci kaw nattu yu bare lanu wara dugge ci nguuru Yàlla.»

Jëfi Ndaw ya Kirist Yónni 15:24 Dégg nanu ne am na ay nit ñu bawoo ci nun, ñu di leen lëjal ak seeni wax, di jaxase seeni xol, te fekk sukkandikuwuñu ci lenn ndigal lu jóge ci nun.

1 Korent 15:45 Mbind mi nee na: «Nit ku jëkk ka, Aadama, doon na boroom ruu,» waaye Aadama mu mujj mi doon na Xel tuy joxe dund.

1 Tesalonig 5:23 Yal na leen Yàlla miy Boroom jàmm sellal, ba ngeen mat sëkk; yal na sàmm seen xel mépp, seen xol bépp ak seen yaram wépp, ngir dara bañ cee am sikk, ba bés bu sunu Boroom Yeesu Kirist délse.

Yawut Ya 6:19 Ci yaakaar jooju lanu sës sunu xol, ba mana sampu bu dëgér.

Yaakaar la juy jàll ba fa Yàlla nekk, ca gannaaw ridob bérab bu sell baa sell.

Yawut Ya 10:39 Nun nag bokkunu ci ñiy dellu gannaaw bay réer, waaye nu ngi bokk ci ñi am ngëm tey muc.

Saag 1:21 Moo tax nanguleen ci woyof kàddu, gi leen Yàlla sol te man leena musal, di dëddu bépp sobe ak coxor gi daj àddina.

Saag 5:20 na xam lii: ku gindi bakkarkat ci réeram, musal nga nit ci dee te faral ko bakkár yu bare.

1 Piyeer 1:9 di jot muj gi ngëm séentu, maanaam mucu xol.

1 Piyeer 1:22 Kon nag gannaaw déggal ngeen dëgg gi, ba sellal seeni xol te am mbëggeel gu dëggu, bëggantleen mbëggeel gu tar ak seen xol bépp.

1 Piyeer 2:11 Samay xarit, yéen ñiy ay gan ak i doxandéem ci àddina si, maa ngi leen di dénk lii: dëdduleen bànnexi bakkan yiý xeex ak xol.

1 Piyeer 4:19 Kon nag ñi tegoo fitna ci coobarey Yàlla, nañu sax ci def lu baax, dénk seen bopp Yàlla, miy Bindkat biy sàmm kóllère.

2 Piyeer 2:7,8 Waaye musal na Lóot mi jub, mi sonnoon ndax ñaawteefi ñu dëng, ñooñu mu nekkaloон. 8 Ndaxte Lóot, mi dëkkoon ci seen biir, dafa dëkke woon tiisu xol, ndax ñaawteef yi mu gis ak a dégg guddi ak bëccëg. (Àtte 16:16)

3 Yowaana 1:2 Na leen Yàlla may yérmande, jàmm ak mbëggeel.

Màndin ma 21:4 xol discouraged.

Ayóoba 7:11 bitter xol.

Ayóoba 14:22 xol mourn.

Ayóoba 19:2 xol vexed.

Ayóoba 27:2 grieve xol.